

Ujaasineq



... sammisaq toqqaruk

Attaveqarfissat



HIV/AIDS

NAPPAAT SUMIIPPA?

AIDS nappaataanngilaq aalajangersimasoq ataaseq, virusimilli HIV-mik taaneqartartumik siusinnerusukkut tunillatsissimanerup kingunerisaanik, kiisalu timivit akiuussutissaqarnerata naammaginatumik sulionnaarneranik pissuteqartumik, nappaatinut arlalinnut pilersunut taaguutaalluni.

NASSIUSSIGIT



PDF-ILIARIUK



EMBED



NAPPAAMMUT SUNA PISSUTAAVA?

Aap qaqortortai pingaaruteqaqisut HIV-p saassuttarpai aserorterlugillu. Aap qaqortortaasa suliaarivaat virusinut allanut, bakterianut svampinullu illersussallutit, nappaatit taakku kialluunniit timimut pulasoorutigingitsoorsinnaanngilai. Sananeqaatit taakku timitta akiuussutissaqarneranut pingaaruteqarlunnartut ilagaat. Sananeqaatit taakku aseroneqarnerisigut nappaatit nalinginnaasumik pinartoqartanngikkaluartut ilungersunarseriataarsinnaapput inuunermillu ulorianartorsiortitsilersarlutik. Assersuutitut taaneqarsinnaavoq puallunneq. HIV-mik tunillatsinninniit ukiut arlallit nalinginnaasumik ingerlareerpata aatsaat nappaatit taakku ilaannik ataatsimik imaluunniit amerlanertigut arlalinnik nappaateqalissaatit - tassa AIDS-eqalissaatit. HIV, taamaallaat aammi, anisuumi kiisalu qulluup qinersiisa seerineranni takussaasoq aammut toqqaannartumik isertermigut aatsaat tunillaasinnaavoq. Kalaallit Nunaanni nalinginnaanerpaamik tuniluuffiusoq tassaavoq atoqatigiinneq, aammali naartunermut erninermullu atatillugu anaanamit qitornamut tunillaasoqartartoq takussaasarpoq.

NAPPAAT QANOQ MALUGISSAVIUK?

HIV-mik tunillatsissimaneq malugineqartuaannanngilaq. Amerlasuutigulli nuallunnertut ittumik malunniuttarpoq. Malunniut qaangiuttarpoq, malitsigisarpaali sapaatit akunnerini arlalinni qasoqanerujussuaq. Tamatuma kingorna tunillatsissimasoq ukiuni arlalinni peqqissuusutut amerlanertigut misigisimasarpoq.

HIV-mik tunillatsissimasut amerlanersaat ukiualunnguit qaangiunneranni napparsimalertarput. Qasoqqaneq, unnuami aallerneq kiisalu imiusap sorujuarneqartarfiisa pullattarnerat nalinginnaasuupput, malitsigisarpaallu qanermi svampeqarneq, pualluneg kiisalu ilaannikkut kræfteqarneq immikkut ittumik. Timminneq sanigornerlu takussaagajupput.

NAPPAAT QANOQ KATSORSARNEQASSAVA?

HIV akiorniarlugu kiisalu virusi aammiittoq annikillisarnerlugu katsorsaatiniq sunniulluarnerusinnaasunik nutaanik ineriartortitsisoqartarpoq. Nakorsaatiniq assigiinngitsunik arlalinnik tunniussinissaq amerlasuutigut pisariaqartarpoq, kiisalu qanimut malinnaaffigineqarnissaq aaversittarnissarlu pisariaqarpoq.

NAMMINEQ QANOQ ILIORSINNAAVIT?

AIDS nappaataamat ulorianartoq ilinnut pingaarnepaassaaq HIV-mik tunillatsinnginnissat. Tassunga atatillugu pingaarnepaaq tassaavoq illit allamik atoqateqassaguit isumatusaarnissat - tassa sapinngisamik isumannaannerpaamik atoqateqarnissat.

Aalajangersimasumik ataasiinnarmik tatiginartumillu atoqateqartanngikkuit, usuup puuanik tamatigut atuisarnikkut tunillatsinnginnissat qulakkeersinnaavat - imaluunniit atoqateqanngilluaannarit!

Arnallu tunillatsissimallutik nalunnginnittut naartulernaveersaartariaqarput, tassa meeqqap tunillanneqarsinnaaneranut ulorianartorsiorneq pinaveersaarniarlugu.

KALERRISAARUT

Tunillatsissimasinnaanerilli annilaangagigukku napparsimmavimmi HIV-mut misissortissinnaavutit. Misissortinnissamat kialluunniit pinngitsaalisinnaanngilaatit, namminerluinnaq tamanna aalajangigassarivat, nalornerusunngikkuilli periarfissaq atorsinnaavat.

NUTAARSIASSAQ

17. juunip 2019

NUTAARSIASSAQ

14. juunip 2019

Kalaallit Deggipartut Illuot ICASA meeqqat oqoqmi

Kalaallit Peqqissartut Illuat 2019-imi aasaanerani taamaallaat napparsimasunit atorneqassaaq



atuanggifteqarneranni igatikkitt

Qanittukkut aasami atuanggifteqarneq aallartippat Nuummi Tasiilamilu meeqqat ulluni sisamani nerisassiorneq, igaffimmi nuannisarneq peqqinnerlu qilanaarutigisinnaassavaat. Sapaatip-akunnerani 27-mi aamma 29-mi aatsaavissuaq meeqqanut qulit aqqaneq-marlullu akornanni ukiulinnut ullut nerisassiorfiit IGASA ingerlanneqassapput.



PEQQIK.GL PILLUGU



ATORTUSSANIK
INNIMINNIFFIK



ILINNIARTITAANEQ



SULIAQARTUNUT



INFO IN ENGLISH



NUTAARSIASSAT



VIDEREUDDANNELSE



SAQQUMMERSITAT